



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**MARTYROLOGIVM.|| DER Kirchenkalen=||der/**

**Canisius, Petrus**

**Dillingen, 1599**

**VD16 M 1284**

23 c Sulpitius vnd Seruilianus Märterer.

**urn:nbn:de:hbz:466:1-41449**

## Matius

und ein solche stin darbey gehöret worden: In hoc signo  
vinces. Das ist: In vnd bey diesem zeichen wirstu obsi-  
gen. Wie auch gewislich geschehen in seinem grossen  
vnd gefehlichen Krieg / so er wider die Vnglaubigen  
gehalten / welche er wunderbarlich durch Christi gunst  
vnd gnad offte überwunden. Verschid endlich seligklich  
zu Nicomedia / als er 67. Jar alt war.

Anno Dñi  
388.

Item in Franckreich / in dem Kloster Basilias /  
des heyligen Abts Romani / der ein ernöhrer war S.  
Benedicti / da er 3. Jar im hol verborgen war / wie oben  
am 21. Merckens gemeldet ist.

Item in Portugal des heyligen Marteners Man-  
cij / der ein Römer war / vnd vnder dem Kayser Maxi-  
miano grausam gepeiniget / ein helle zeugnuß sei-  
nes Glaubens / mit seiner Blätvergiessung gelassen  
hat.

Item in Griechenland / des heyligen Marteners  
Basilisci / der auch inn der Maximianischen verfolgung  
Leib vnd Leben frey darsetete / daß er Christum vor den  
Gottlosen öffentlich bekennete.

Item des heyligen Bont.

e x. Calendas Iunij.

## Der XXIII. Tag im Mayen.

Anno Dñi  
420.

**D**ie Linnon ist heut der Tag des leydens des heyl-  
igen Bischoffs Desiderij / als die gemelde Stadt  
von den Barbarischen Wandalen beleget war /  
gieng er auff die Mauer / vnd bat für sein Volck / aber  
es half nit / die Stadt war erobert / die Christen ersch-  
en

chen/ vnd er enthauptet / hat für die befolhene Heerd  
sein Haupt gern vnd williglich dargestreckt. Da man  
ihn enthauptet / sprühten eeliche Blütsropffen in ein  
Büch/ so bey ihm auffgethan lage. Dasselb Büch wirt  
noch daselbst behalten. Bey seinem Grab geschehen  
vil Wunderzaitchen. Mit ihm haben auch ander vil auß  
seiner Heerd gelidten / vnd sind bey derselben statt be-  
graben worden.

Item in Hispania der heyligen Marterer Epita-  
cij des Bischoffs / vnd Basilei.

Item zu Wien in Franckreich des heyligen Bi-  
schoffs vnd Marterers Desiderij. Als diser die Köni-  
gin Fridegundin straffet / daß sie ihren Mann zutöb-  
ten gerathen / damit sie in vnzucht leben möcht / da ward  
er vier Jar in ein Insel verschickt / darinn er einen Auf-  
setzigen hailet. Hernach aber / als er die Königin wider  
vmb ihr Sünd straffet / ward ihm sein Hirn mit einem  
Stein zerknischt / darnach sein Haupt vnd Nacken mit  
einem spitzen Eysen durchstoichen / hat also in Leoner  
gebiet / in dem Dorff Priscilliaco gelidten / ehuet aber  
gesund zu Wien.

Anno Dñi  
530.

Item in Aphyrica der heyligen Marterer Quintij/  
Lucij vnd Juliani / welche alle von dem Catholischen  
Glauben nicht abwelchen wolten / vnd für denselbigen/  
bis zu dem Tod gestritten haben / in der Wandalischen  
verfolgung.

Item zu Nicomedia des H. Bischoffs vnd Mar-  
terers Theopompi / wellicher vmb des Christlichen  
Glaubens willen / in ein brinnenden Bachofen gethan/  
aber tag vnd nacht darinn vnuerlezt blib: Darnach 22.  
Tag ohne speiß wider ins Gefencknuß gelegt: aber vom  
Herin gesterckt ward. Belohret vnd Tauffet auch den

S iij

Laube

## Mayus

Zauberer Senesium / der ihm mit Giffte vergeben wolt.  
Darumb ward er mit grausamen / vn menschlichen  
Peinen gemartert / kam aber allzeit schadlos dauon/  
ward endtlich enthauptet / vnd Senesius / den er beköret  
hat / mit Erdreich bedeckt.

Item des heyligen Marteners Guillelmi zu Ros-  
sa / welches Leib / da er verborgen lag / durch Göttliche  
Mirackel geoffenbaret worden.

Item des heyligen Bischoffs vnd Beichtigers  
Mercurialis.

Item zu Elwangen der H. Marterer Sulpitii  
vnd Seruilliani / welche süterfliche Pfleger bey den  
Römern waren / von der heyligen Domicilla beköret/  
vnd nicht lang darnach gemartert worden. Paps  
Adrianus aber hat ihre Leiber dem Lingoniensischen Bi-  
schoff Erlolfo geschenckt. Seind darnach von seinem  
Brüder Ariolfo gen Elwangen geführt worden / da sie  
noch rühen. Von ihnen wirdt droben am 20. tag Apri-  
lis weiter gemeldt.

Item in dem Kloster Gemblaco der Geburtstag  
des H. Beichtigers Guiberti des Stiffers der Kirchen  
zu Gemblaco / der mit Wunderzeichen leuchtet.

d Nono Calend. Iunij.

Der XXIII. Tag im Mayen.

**G**ut ist der Geburtstag des H. Lehrers vnd Pro-  
pheten inn dem neuen Testament Manahen/  
welcher ein mißseugling war des Königs Herodis  
Tetrarche / rühet in Christo zu Antiochia.

Item der H. Johanne / die ein Haußfraw war  
Chuse

Act. 13.